



PERDANA
LEADERSHIP
FOUNDATION
Y A Y A S A N
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Berita Harian
Date	14 October 2015



Najib membaca surah Yasin pada majlis sambutan Maal Hijrah 1437H peringkat kebangsaan di Masjid Negara, malam tadi. Yang turut serta bekas Perdana Menteri, Tun Abdullah Ahmad Badawi dan Menteri di Jabatan Perdana Menteri, Datuk Seri Jamil Khir Baharom. (FOTO ASYRAF HAMZAH/BH)

“ Sambutan Maal Hijrah hari ini menghubungkan kembali umat Islam dengan peristiwa agung yang memberi impak tinggi kepada ketamadunan insan menerusi peristiwa hijrah Rasulullah SAW dan sahabat ke Kota Madinah”

Najib Razak,
Perdana Menteri

BH-14/10/2015

Hijrah sumber iltizam bentuk umat terbaik

» Pendekatan wasatiyyah berupaya lahir negara maju, berpendapatan tinggi: Najib

Oleh Nazura Ngah
nazura_ngah@bh.com.my

■ Kuala Lumpur

Pendekatan wasatiyyah bersendikan Maqasid Syariah dengan Ahli Sunah Wal Jamaah sebagai pegangan berupaya menjadikan Malaysia sebuah negara maju berpendapatan tinggi, kata Datuk Seri Najib Razak.

Meskipun berdepan cabaran ekonomi dan politik, Perdana Menteri berkata cita-cita untuk menjadikan Malaysia sebuah negara maju dan makmur akan diteruskan.

Katanya, dunia ketika ini berdepan dengan pelbagai bentuk ekstremisme dengan ekstremis radikal seperti kumpulan Negara Islam (IS) membuat onar mencalar kesucian Islam yang sebenarnya.

“Pada satu hujung yang lain muncul pula kelompok pelampau menjadikan liberalisme sebagai akar budi mereka. Pelampau liberalisme ini melongarkan segalanya hatta agama.

“Ini juga suatu ekstrem yang membawa ancaman kepada keselamatan dan kesejahteraan negara,” katanya dalam perutusan Maal Hijrah 1437/2015, semalam.

Paksi wawasan

Najib berharap semangat hijrah akan menjadi sumber ke-selamatan dan iltizam kepada semua pihak untuk menjadi umat yang terbaik, sekali gus mampu membawa rahmat rissalah Islam ke seluruh alam sepanjang zaman.

Beliau berkata, sejarah menjadi sumber penting untuk sesebuah negara mengorak langkah ke hadapan, selain menjadi paksi dalam membentuk wawasan.

“Wawasan nasional kita adalah untuk menjadi sebuah negara Islam moden yang maju dan berpendapatan tinggi,

manakala wawasan global pula ialah untuk menjadikan dunia yang mengandungi panca negara, bangsa, bahasa dan agama ini sebagai medan kehidupan sejahtera dan makmur,” katanya.

Perdana Menteri berkata, sambutan Maal Hijrah hari ini menghubungkan kembali umat Islam dengan peristiwa agung yang memberi impak tinggi kepada ketamadunan insan menerusi peristiwa hijrah Rasulullah SAW dan sahabat ke Kota Madinah.

“Kota bertuah, sebelumnya bernama Yathrib yang bermakna ‘dukacita’ bertukar kepada Kota Yang Bercahaya (Madinah Munawarah). Cahaya yang memancar daripada Madinah inilah, yang menjadi sumber kepada transformasi ketamadunan dan kemakmuran manusia kemudiannya.

KL kutuk pengeboman di Ankara

Kuala Lumpur: Malaysia mengutuk kejadian pengeboman di Ankara, Turki, yang mengakibatkan 95 terbunuh, manakala 246 cedera, Sabtu lalu.

Kementerian Luar dalam kenyataan media berkata Kerajaan Malaysia juga menyampaikan ucapan takziah dan rasa simpati kepada keluarga semua mangsa yang terbabit dalam insiden itu.

“Perdana Menteri, Datuk Seri Najib Razak menerusi satu perutusan kepada Presiden Turki menegaskan komitmen Malaysia dalam memerangi keganasan dan pembabitan negara ini dalam usaha sejagat dan antarabangsa mengenainya.

“Menteri Luar, Datuk Seri Anifah Aman juga mengutus ucapan takziah kepada rakan sejawatnya,” kata kenyataan itu.

“Limpahan cahaya ini akhirnya mewarnai serta mencerakkan Tanah Arab, Eropah, Afrika, benua kecil India hatta ke China. Sudah tentu gugusan Nusantara juga disinari dengan cahaya rahmat ini.

“Malah, ada pakar sejarah menuliskan bahawa sejarah Islam di Nusantara ini bermula seawal zaman hayat Baginda Nabi Muhammad SAW lagi,” katanya.

Najib berkata, perkara itu ditekankan ketika berucap pada perbahasan umum sesi Perhimpunan Agung Pertubuhan Bangsa-Bangsa Bersatu ke-70 di New York, baru-baru ini.

Katanya, beliau menegaskan sesebuah negara Islam berperanan untuk mempromosikan peralihan dari segi kemuliaan, pengetahuan, kebaikan, tempai dan merendahkan diri tanpa paksaan.

Hayati sirah penghijrahan

Sementara itu, Timbalan Perdana Menteri, Datuk Seri Dr Ahmad Zahid Hamidi, mengajak umat Islam menghayati sirah penghijrahan Rasulullah serta kejayaan Baginda menyatukan kaum Aus dan Khazraj kemudian kaum Anshar dan Muhajirin menjadi saudara.

“Semangat perpaduan inilah yang harus diterjemahkan dan diterapkan dalam realiti kehidupan masyarakat berbilang kaum, agama dan budaya di negara kita,” katanya dalam kenyataan malam tadi.

○ Hijrah semasa atasi krisis umat sejagat – RENCANA 28

○ Hijrah menuntut jihad tingkat mutu ummah – RENCANA 29